

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Сабағы әлсіз сары гүл

ЖАРИЯЛАНДЫ
22.01.2023ТІРЕК СӨЗДЕР
Мұқағали МақатаевСІЛТЕМЕ
<https://bilimger.kz/129509/>

САБАҒЫ ӘЛСІЗ САРЫ ГҮЛ

Сабағы әлсіз сары гүл

Жартаста жалғыз тұр өсіп.

Жауын ба, жел ме – бәрі бір,

Өзінше ол да күресіп,

Жартаста жалғыз тұр өсіп.

Дәнеңе де атпай желігіп,

Олжасыз қалған бір мерген

Отырған сәтте ерігіп,

Жартастан жалғыз гүл көрген.

Паналап төсін көненің,

Жыл сайын осы гүл өсер.

Көрсетпек болып өнерін,

Көздеді оны бір есер.

Бір есер отыр сүйініп,

Есерді қостап жаңағы.

Үкілі қыздай иіліп,

Қиылды гүлдің сабағы.

Тамыры терең көмілген,

Жартасқа жаңа гүл өсер.

Өткінші мынау өмірмен

Өзінше ол да күресер.

Мұқағали Мақатаев

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.